

Årsmelding for Voss Idrottsråd 2020

Årsmøtet for 2020 vart avvikla torsdag 1. oktober 2020 på Scandic Hotel med val av nytt styre og funksjonstid.

Leiar	Olav Farestveit	Voss IL	1 år (2020)
Nestleiar	Anne-Karin Dugstad	IL Ørnar	2 år (2020)
Sekretær	Renate Lunde	Voss IL	2 år (2019)
Kasserar	Gry Bystøl	MTB	2 år (2020)
Styremedlem	Trond Syvertsen	FBK. Voss	2 år (2020)
Styremedlem	Svein Oscar Moseide	Voss Kajakkklubb	2 år (2019)

Styret har konstituert seg sjølv unnateke leiar og nestleiar.

Vara-medlemmer har ikkje møtt

June Jansson	2 år (2020)
Mildrid Sandvik	2 år (2020)

Revisor	Terje Eide	Bjørgum IL	1 år
Revisor	Nils Inge Håland	Voss IL	2 år

Styret har fordelt nokre arbeidsoppgåver slik:

- Leiar har delteke i møter i Brukarrådet for Voss Idrottsplass.
- Gry Bystøl har vore kasserar.
- Styret har delegert mynde til leiaren for å handsama fortløpande saker som er referert til heile styret via e-post.

Arbeidet i Styret.

Pandemien har i stor grad påverka aktivitetsnivået dette året.

Styret har i løpet av 2020 avhalde 2 styremøter forutan Årsmøtet.

Voss herad sin idretts- og friluftscoordinator har vore invitert og delteke på styremøter.

Olav og Anne- Karin har vore med i Styret i Idrettens Olympiade.

Olav og Anne- Karin har vore med i Voss herad sitt sti- og løypeutval.

Olav var med på Idrettscruise i regi av HIK.

Olav og Einar har vore med i brukarrådet for idrettsplassen og referansegruppe for reguleringsplanen for sentralidrettsanlegget.

Medlemsmasse i VIR

Det er i alt 46 lag som samla utgjer Voss Idrettsråd, og som alle er tilslutta Norges Idrettsforbund og Hordaland Idrettskrets.

Vi reknar med at det i laga er tilsaman 8961 medlemskap innan Voss herad, noko som tilsvrar ca. 60 % av folkesetnaden, medan snittet i Hordaland er ca. 42 %. Det er nokre store lag som t.d Voss Fallskjermklubb og Voss Golfklubb som har mange medlemmer som ikkje er busette på Voss.

Kontingent for medlemskap i VIR

Me har ikkje kravd inn medlemskap for 2020 på grunn av at den økonomisk situasjonen i idrettsrådet er god grunna lågare aktivitet i pandemien. Covid 19 -tiltaka har og gjort det verre for mange idrettslag. Styret tilrår at denne ordninga held fram når aktivetsnivået aukar og behovet for inntekter vert større.

Aktuelle saker som har engasjert styret i VIR i 2020

Sentralidrettsanlegget.

Arbeidet med reguleringsplanen for sentralidrettsanlegget har vore viktig i arbeidet til VIR. VIR har sendt sine kommentarar i samband med oppstartig av dette arbeidet.

Me har vore to representantar frå VIR i kommunen si referansegruppe. Basert på tre skisser har kommunen utarbeidd framlegg til reguleringsplan. Denne har vore ute til offentleg ettersyn og VIR har gjeve sine kommentarar til planen. Planen vart ikkje vedtatt. Dette til stor skuffelse for Fotballklubben Voss og Voss il. Det vert arbeid vidare med ein ny plan.

Idrettens olympiade A/S

VIR tok i 2017 initiativ til å vurdere om det er mogeleg å arrangere Olympiske og Paralympiske leikar på Voss og Vestlandet. På bakgrunn av dette vart det etablert eit selskap: "Idrettens Olympiade AS ". Dette selskapet var likt eigd av Voss Idrettsråd og Idrettsrådet i Bergen . Hordaland Idrettskrets kom inn som likeverdig medeigar.

Olav og Anne Karin har jobbe mykje med dette og heile styret har vorte oppdatert på styremøta.

Det viktigaste sakene kring OL-initiativet har vore

- Samarbeid og samordning med andre moglege søkerar i Norge.
- Arbeid opp mot idrettstinget i 2019.
- Det etiske grunnlaget for arbeidet vårt.
- Samfunnssnytten av eit OL.
- Konkretisering av arrangement.
- Kostnader med arrangementet.
- Skaffa oss midlar for å arbeida vidare.

I løpet av siste året selskapet som er eigd av Voss Idrettsråd, Bergen Idrettsråd og Vestland idrettkrets arbeid vidare med planane innanfor rammer pandemien har sett. Vitigaste i dette arbeidet har vore å rette seg mot mogelege arrangement og styrka samarbeidet på Vestlandet. Det var gledeleg at me har fått tildelt NM-veka 2022 og Superleikane i 2021

Bømoen.

Etter at reguleringsplanen for Bømoen er trekt tilbake, har Voss herad arbeidd med ein ny kommunedelplan. Denne nye kommunedelplanen kjem til å verta lagt fram for det nye heradstyret etter at han har vore lagt ut for offentleg ettersyn.

Det er gledeleg at det no er etablert ein avtale for drift av Bømoløypa

Grevlestølen.

VIR har gjeve innspel i samband med oppstart av reguleringsplan for Grevlestølen for å bevare og utvikla fartsløyper innan alpint.

Toppidrettslinja på Voss Gymnas.

VIR har saman med aktuelle lag og løparar arbeidd for at dette tilbodet også skal stå ved lag i tida framover. I samband med budsjettframlegg i Vestland fylkeskommune har tilbodet vore truga fleire gonger.

Nye anlegg.

- Voss II og III Ørnar arbeidet med oppgradering av snøproduksjonsanlegg i bavallen
- Voss Kajakkklubb arbeider med planar for auka aktivitet i nedre del av Vosso, kring Tvedemoen / Bryn.

- FBK Voss og Voss il arbeider sammen om å etablere felles anlegg etter at reguleringsplanen for sentralidrettsanlegget ikkje vart vedteken
- Bakkenemnda i Bavallen arbeider med oppdragering av hoppbakken.

Vedlikehald av idrettsanlegg.

Laga og anleggseigarar har ei viktig oppgåve med å halde ved like dei ulike anlegga i kommunen.

Laga har stor eigeninnsats og Voss herad gir økonomisk stønad til dei største vinter- og sommaranlegga. Me arbeider med å få auka denne støtta.

Friluftsliv

VIR har delteke i Voss herad sitt sti- og løypeutval.

- **Bakgrunn for arbeidet**

Planstrategi for Voss kommune, 2017-2020, legg opp til at det skal utarbeidast ein sti- og løypeplan for Fjellheimen villreinområde.

Interkommunal plan for Fjellheimen villreinområde 2016-2027 har eit tilsvarende tiltak i sitt handlingsprogram.

Granvin herad har er omfatta av sti- og løypeplan .

Formål med planen

- Fremje friluftsliv og folkehelse ved å tilrettelege ski- og turløyper
- Ivarta viltinteresser - m.a. villreinstammene og sårbare område
- Kartlegge og avvege ulike interesseområde.
- Utarbeide kart og retningsliner for bruk av utmarksareala

Planen vart vedteken av heradstyret i 2020

Temakveldar

Grunna pandemien var tillyst kurs i Idrettsforbundet sine IT-løysingar avlyst

Om LAM-midlar

Norges Idrettsforbund har også i år gjeve tilskot til alle laga som er registrert i NIF.

I 2018 vart laga i Voss kommune tildelt kr. kr 1 113 114. Pengane vart fordelt på antal medlemer etter same fordelingsnøkkelen som før, og der kriteria er aldersgruppene 6-12 år og 13-19 år.

Om spelemidlar.

Søknadssum for ordinære anlegg i 2020 gjekk ned til 58 millionar. Dette fordi mange anlegg fekk tildelt midlar i 2019. Det vart totalt tildelt 10.1 millionar til anlegg på Voss i 2020. Nærmiljøanlegg fekk tildelt 69% av søknadssummen, medan ordinære anlegg ligg på 19% av søknadssummen i 2020.

Etterslepet på tildeling av midlar har vore mindre dei seinare åra grunna høge søknadssummar. Det er grunn til å tru at etterslepet vil verta større dei komande åra ettersom søknadssummen i heradet går ned og nokre store søknadssummar står for tur for utbetaling. Totalt i landet er det òg ein auke i etterslepet. Ventetida er gått opp til 3,1 år i landet og 3,9 år i fylket. Det totale etterslepet i landet har no passert 4.5 milliardar.

VIR har påpeika at det årleg må løvvast ca 15 mill kr. til anlegg i Voss dersom alle anlegga skal få sine midlar i løpet av ein 5 års- periode. Dei fleste anlegg på Voss søker no for tredje gong.

Edvard B.Hegboms minnefond.

For 2020 vart det etter framlegg frå laga delt ut heiderspris i samband med årsmøtet

Highland-Staupet og Idrettsstipend

VIR fremja også i år kandidat til Highland-staupet som er ei utmerking for beste prestasjon innan vinteridretten siste sesong.

VIR fremja også kandidat til idrettsstipend

Tilskot til utdanning av trenarar.

Me har ikkje delt ut dette året

Idrettsrådet sin funksjon.

Idrettsrådet sin funksjon og arbeidsoppgåver er nedfelt i Lova og ein av dei primære funksjonane er å vere talerøyr for alle laga i VIR. Idrettsrådet skal hjelpe til med råd og rettleiing og vere bindeledd mellom lagslivet og heradet.

Dette har som føresetnad at laga nytta seg av dette. Det er også viktig at laga viser engasjement i høve til VIR si rolle i lokalsamfunnet.

Her vonar noverande styre at engasjementet for VIR vil auke ytterlegare.

Det å ha styreverv i VIR medfører personleg engasjement og krev at ein er tilstade både i styremøter og i andre samanhengar. Styremedlemene må i tillegg bidra i dei arbeidsoppgåvene som er tillagt styrefunksjonen.

På basis av årsmøtevedtak er det utbetalt eit beløp på 16.000.- kr. som godtgjersle for dette engasjementet. Pengane vert fordelt i høve til arbeidsmengde og innsats.

Styret for 2020 tilrår at dette held fram.



Protokoll årsmøte Voss idrettsråd 2020

Dato: Torsdag 10.juni 2021

Tid: 19.00 – 21.00

Stad: Scandic Voss

Til stades: 13 (10 røysteføre)

Gjest frå Vestland idrettskrets: Anne Kristine Aas

Gjest på teams: Vestland idrettskrets v/ leiar Nils R. Sandal

Gjest frå Norges idrettsforbund: Elisabeth Faret

Innkalling

Vedtak: Innkallinga vart godkjend

Val av møteleiar

Framlegg om Olav Farestveit

Vedtak: Olav Farestveit

Val av referent

Vedtak: Anne- Karin Dugstad

Val av underskrivarar av protokoll

Vedtak: Roger Hovland Fbk. Voss og Isak Hommedal Eldar il.

Godkjenning av årsmelding for 2020

Vedtak: Årsmeldinga vart godkjend.

Rekneskap for 2020

Vedtak: Rekneskapen vert godkjend.

Revisorane hadde merknad om at idrettsrådet måtte nytta NIF sitt rekneskapssystem

Handlingsplan

Olav Farestveit gjekk gjennom handlingsplanen. Denne inneholder saker som ein arbeider med kontinuerleg.

Vedtak: Handlingsplanen vart vedteke med nytt punkt om at idrottsrådet skal prioritera likestilling, inkludering og bærekraft.

Retningslinjer for fordeling av LAM- midlar

Styret i idrottsrådet hadde ikkje lagt fram noko endringsplan for fordeling av LAM- midlar.

Vedtak: Fordelingsnøkkelen held fram som tidlegare

Val til nytt styre

Leiar: Olav Farestveit	Voss il. (attval for 1 år))
Nestleiar: Anne Karin Dugstad	II. Ørnar (ikkje på val)
Kasserar: Gry Bystøl	Voss MTB - klubb (ikkje på val)
Styremedlem: Atle Seim	Granvin i.l (nyvald for 2 år)
Styremedlem: Trond Syvertsen	FBK Voss (ikkje på val)
Styremedlem: Hege Toje	(Voss handballklubb nyvald for 2 år)
Varamedlemer: Mildrid Sandvik	Voss kajakklubb (ikkje på val)
June Jansson	Voss MTB- klubb (ikkje på val)

<u>Kontrollutval:</u>	Terje Eide	Bjørgum il. (ikkje på val)
	Nils Inge Håland	Voss il. (attvald for 2 år)

<u>Valnemnd:</u>	Silje Skorve Paulsen	Voss kajakklubb
	Einar Melve	FBK Voss
	Erling Midttun	Hardanger handbakkklubb

Anne-Karin Dugstad

referent

Isak Hommedal

Roger Hovland

Til årsmøte i Voss Idrottsråd

RAPPORT FRÅ KONTROLLUTVALET


Me har sett gjennom rekneskapen til Voss Idrottsråd for 2020 og
meiner at den kan godkjennast av årsmøtet .

Sjekklista til kontrollutvalet er ganske omfattande og utanom
rekneskapet har me ikkje sett på dei postane.

Vil ellers minna om som i 2018 at kontoplanen til NIF
skal brukast og at rekneskapet skal førast i NIF sitt Excel-ark for
rekneskap eller eit anna rekneskapssystem.

Voss , den 9. juni 2021

Terje Eide



Nils Inge Haaland

